

中華民國郵政特准掛號認爲新聞紙類

中華民國十四年七月二十七日

政字第四十六期

湖南 正文 報

本報暫定每三日出版一期

本報價目

- 一 本報每月每份光洋八角
- 一 外埠每月每份另加郵費二角
- 一 每册零售一角四分

湖南省長署發行

(長沙章代印)

目錄

訓令

省長訓令三則

司法司訓令一則

湖南高等檢察廳訓令一則

指令

教育司指令一則

實業司指令一則

司法司指令一則

佈告

省長佈告一則

省會戒嚴司令部佈告二則

公電

省長電二則

湘西各旅長公電一則

葉督辦電一則

劉師長電一則

▲▲訓令▼▼

湖南省長訓令

令省河厘金局

爲令行事案查教育經費邇年收入益形短少迭經嚴切令飭不准提作他用嗣後該局稅收應遵原案掃數繳解省教育經費委員會核收無論何項機關不准提撥如有違誤卽責令該局長照數賠償除訓令省教育經費委員會知照外合行令仰該局長遵照辦理爲要此令

省長趙恆惕

湖南省
省印

中華民國十四年七月十八日

財政司長周子賢

教育司長顏方珪

湖南省長訓令

令湘岸權運總局局長歐陽任

爲令行事案查教育經費邇年收入益形短少業經嚴切令飭不准提作他用而各處擅自挪撥者時有所聞若不嚴加取締學校愈難維持茲特明白規定嗣後鹽稅附加之教育經

費概由淮商公所代徵代解無論何項機關不准向該公所提撥該公所關於應解此項經費如無省教育經費委員會正式收據亦不准予抵解以後各分局長如將學捐挪繳他項機關應由各該分局長負責賠償爲此令仰該局長即便知照並轉飭各分局暨淮商公所一律遵照辦理爲要此令

趙恒惕

湖南
省印

中華民國十四年七月十八日

財政司長周子賢

教育司長顏方珪

湖南省長訓令

令省教育經費委員會

爲令行事案查教育經費邇年收入益形短少業經嚴切令飭不准提作他用而各處擅自挪撥者時有所聞若不嚴加取締學校愈難維持茲特明白規定嗣後鹽稅附加之教育經費應由淮商公所掃數繳解該會核收如各該分局將學捐挪解他項機關無該會正式收據者不准抵解其損失之學捐即由各該局長負責賠償省河釐金局每月稅收亦應全數繳解該會掣取收據無論何項機關不准再行提撥除分別令飭遵照外合行令仰該會即便知照此令

趙恒惕

湖南
省印

中華民國十四年七月十八日

財政司長周子賢
教育司長顏方珪

湖南司法司訓令

令各
地初審檢廳
兼理司法廳長

爲令遵事此次舉行大赦業經本司以咸電及第五七一號訓令遵照

省長元日敕令節錄原案不准除免條款並辦理赦案程序及一覽表通行遵照暨奉

省長東電一體飭遵各在案查

省長東電既明定凡犯罪在民國十四年五月十三日以前除不准除免各罪外着一律赦免則原辦理赦案程序第一項所載凡犯罪在民國十四年一月一日以前一語應已失其效力邇來各廳縣呈報辦理赦案文內間有援引此語者殊屬誤會除分行外合亟抄發省長東電令仰遵照以免歧異此令

司長劉武

司印

中華民國十四年七月二日

湖南高等檢察廳訓令

令各^{地方}初級檢察廳

案准高等審判廳咨開為咨請事查近來各地初級檢察廳關於刑事解釋案件往往逕向本廳請求殊於公文往返未便相應備文咨請貴廳通令所屬各級檢察廳嗣後關於刑事解釋應即呈由貴廳轉咨敝廳解釋以明統系至紉公誼等因准此合行通令令到該廳即便遵照此令

廳長蕭 度

廳印

中華民國十四年七月十七日

指令

湖南教育司指令

令第二區省視學朱炎

呈請咨財司令各雜稅局准各地方教育機關照案截留四成屠稅由呈悉據陳各縣雜稅局對於已定作教育經費之四成屠稅往往扣留不發且照財政司比額浮徵一二三倍不等而發給各地方教育機關之四成仍照財司比額計算似此任意侵佔有名無實以致教育經費虛懸無著妨害教育至爲重大應准咨請財政司嚴令各雜稅局嗣後將地方四成屠稅任各地方教育機關或直接向屠業截留毋再把持以維教育可也仰即知照此令

司長顏方珪

司印

中華民國十四年六月三十日

湖南實業司指令

令寶慶縣長朱家縉

呈請解釋工會暫行規程疑義由

呈悉查同業會係由一地方經營同一業務者發起組織業經本規程第七條第一款明白規定至其組織辦法仍須遵照第九條辦理仰即知照此令

司長唐承緒

司印

中華民國十四年七月二十日

湖南司法司指令

令長沙初級審判廳

呈賚該廳赦免人犯一覽表請備案由

呈及一覽表並奉

省長發交該廳前項呈件到司均悉查該廳對於未經判決確定案件應行赦免人犯辦理尙屬迅速惟此項案件按之赦案程序第二項應依照現行刑事訴訟規例關於免訴之規定辦理至該程序第三項所載填報一覽表係指檢察廳對於已經判決確定案件之應行赦免人犯而言規定至爲明顯該廳填報一覽表未免誤會仰即知照此令表存

司長劉武

司印

中華民國十四年六月三十日

▲佈告▼

湖南省長布告

照得鴉片爲害至毒至烈禁種禁吸明令迭頒良以外足啟強鄰之責言內足肇滅種之慘禍非予嚴禁未由剷除然欲禁絕根株尤莫要於禁種自罌粟徧於沃野嘉穀悉化毒苗養人者日以荒害人者日益亟民國初元吾湘禁烟之效甲於他省業已幾於盡絕旋因事變迭生偏僻山遠之區政府鞭長莫及栽種罌粟間有所聞湘省屢經兵燹元氣久傷益以水旱蟲災無歲不有人民愁痛餓殍載途若復廢去農田種此毒物妨害民食滋蔓禍根自害害人問心奚忍亟應重申禁令自此次佈告以後各縣軍民人等如有貪圖重利種植罌粟不自改悔或痞棍劣紳假官迫民種植罌粟者除電令各軍民長官隨時查察嚴行懲辦外並准其來省告發一經查實定當分別嚴辦各軍民人等須知此事大則關係國體小則影響民生極當早日禁絕咸與更始特此佈告仰即一體知悉凜遵毋違切切此佈

趙恒惕

湖南
省印

中華民國十四年七月二十日

內務司長吳景鴻

湖南省會戒嚴司令部布告

- 一 不准強暴脅迫干涉他人買賣物品或乘坐輪船
 - 二 不准以強暴脅迫任何工人罷工
 - 三 不准強暴提取或毀損他人貨物
 - 四 不准私擅逮捕監禁任何工商小賈及划夫水手人等
- 以上四項禁令業經
省長布告倘敢故違嚴懲不貸此布

司令唐義彬

司令
郵印

中華民國十四年七月十八日

公電

省長電

本省各處各督辦各師長鎮守使陳統領各旅團長各縣長均鑒鴉片爲害至毒至烈禁種禁吸明令迭頒良以外足以啟強鄰之噴言內足以肇滅種之慘禍非予嚴禁未由剷除然欲禁絕根株尤莫要於禁種自罌粟徧於沃野嘉穀悉化毒苗養人者日以荒害人者日益亟小民貪圖近利在法固不容寬官吏責有專條奉行安敢不力民國初元吾湘禁烟之效甲於他省業已幾於盡絕旋因事變迭生偏僻山遠之區政府鞭長莫及栽種罌粟間有所聞加以蔡逆鉅餼盤踞一方貪得稅收促之使種此風一長貽禍至湘現蔡逆雖已遠颺此種喪盡天良絕滅人道之事猶不免有積習相沿因循莫改之憂湘省屢經兵燹元氣久傷益以水旱蟲災無歲不有人民愁痛餓殍載途爲官吏者坐視其死亡而莫能救恤已於職責有虧若復廢去農田種此毒物妨害民食滋蔓禍根自害害人問心奚忍亟應重申禁令自此次通令以後各軍民長官如有禁種不力明知故縱或竟強迫人民種植罌粟者一經查實當分別懲處嚴行治罪其有剷除毒卉勸與農桑者亦當分別嘉獎須知此事大則關係國家小則影響民生極當早日絕禁與民更始特此通電仰即轉飭所屬一體遵照此令

省長趙號印

省長電二

常德賀師長長沙劉師長鄒鎮守使澧州賀鎮守使長沙湘潭醴陵湘鄉湘陰甯鄉岳陽平

江臨湘華容南縣常德漢壽澧縣安鄉各縣縣長醴陵蘆林潭城陵磯梅田湖各米禁稽查處處長均鑒照得吾湘去歲水旱蟲蝗秋收歉薄本年入夏以來久旱不雨蓋藏虛空荒象甚鉅谷米雜糧不准出口迭經分別令行該帥長鎮守使縣長處長等協同嚴密查禁並剴切布告在案近查瀘湖各縣及醴陵等處早稻業已次第登場茲值米珠薪桂嗷嗷待哺之際甚望藉茲收穫所得轉運缺乏之區以資挹注且應懲前毖後各自加意儲存庶於民食前途得以有備無患惟是新谷甫登難保無不肖軍人及一班奸商不顧大局希圖乘機漁利包運賄放情事亟應重申禁令仰該師長鎮守使縣長處長等轉飭所屬務必各秉天良協助嚴禁毋任稍行偷運出境以裕民生倘有假借名義恃強闖越或取他種方法包運偷漏圖一己之私利不惜斷絕多數人之生命者無論軍紳商民本省長定以軍法從事決不姑寬除分電外仰即錄電轉令一體遵照毋得視為具文爲要省長趙恆惕馬印內務司長吳景鴻副署

湘西各旅長公電

督辦葉師長賀師長劉鈞鑒竊湘西受客軍之蹂躪蔡逆之搜括元氣凋殘百業停輟加以土匪四起商賈戒途此次鈞座提師西征勘平大難撫綏安緝與民更始莫不交相慶頌重覩天日而鈞座痼瘵在抱首於沅水流域設立保商軍隊以護航業而利交通美意良法莫善於此乃開辦未及浹月流弊不堪言狀迭據商民陳述經職等調查所得特電陳鈞座之前(一)其徵收正費也上水則論資本按十抽一已超過正稅一倍下水則計貨物如油一桶則收至二角七分較之正稅加收一倍有奇(二)員兵之例外抽收也每船收雜費十元

日用火食均由商人供給稍不如意碎物揮拳甚至每到僻處尤復揚言匪警趨起恐嚇以盡其敲索之能力然獨只就辰州至常德一段而言由辰州至洪江黔陽由常德而沅江岳州以及沅水支流之麻陽河北河洞河如至辰常一段比例徵收則更超過正供百餘倍矣夫人民挾資以營業遵章以納稅願以盡其義務藉博蠅頭似此變本加厲任意苛求虧折商本嗣後誰敢再以心血之金錢作孤注之經營哉必至商務停頓正供短絀影響軍糈其可慮者一也查沅水流域船夫不下萬餘人如資本家畏不經商船夫必坐失職業勢必挺而走險其可慮者二也且利之所在人必趨之如甲部設一保商隊乙部從而效之拉客爭送漸至互相見忌成何政象其可慮者三也又况各部欠餉已達數月倘各部士兵知有利在必生舍此趨彼之心養成見利思遷之想其可慮者四也此就其犖犖大者而言也鈞座高瞻遠矚興利除弊自有良謨決不使邊遠人民重墮苦海職等分屬軍人職在保衛未敢以人民之痛苦壅於上聞與其徒飽員兵私囊何如就原有厘局或餉捐處附加稅率收入增多支出平均護送軍隊由各駐地高級長官派遣正式隊伍節節解護不准需索分文餉源藉以挹注苛費藉以免除更有進者檢查之後原定抽收統稅厲禁加徵省座禁電言之甚詳近日湘西設立分所密如蛛網重斂苛索無微不至甚至假檢查名目波及無辜敲詐金錢專飽囊橐爲害之深與保商隊無相軒輊仍請將各處分所一律取銷以符省令而止騷擾用特籲懇鈞座迅賜取締規定辦法宣示人民庶邊徼子遺得出水而登衽席皆出鈞座之賜也敢布區區竚候示遵職蔣鋤歐鄭鴻海劉重威葉琪唐希忭鄒鵬振楊永清旱歌

叩

葉督辦電

各旅長均鑒歌電誦悉保商隊原爲護商反以害民深背初衷殊堪浩歎兄等條舉弊端痛陳利害至爲切要所謂取締該隊以除煩苛之處深洽鄙懷此派護商亦屬臨時辦法根本計劃務使各地匪氛掃除盡淨雖一人一舟均可暢行而後已職責所在尤願諸兄共勉之至於檢查分所無補於公有害於民誠如來電所述已令飭各該處長從速收束以恤商艱特覆葉開鑫青印

劉師長電

各旅長均鑒歌電悉所述保商隊與檢查分所各種流弊均中肯要常德方面現正與賀商辦法矣弟劉鏞印蒸

本報啟事

- 一 本報原係五天一期因急待公佈之法令甚多暫改為三天一期
- 一 目前法令繁多各機關送來稿件除擇要隨時刊印外餘俟各法令登齊後陸續登載
- 一 本報規定先錢後寄凡空函定購者恕不寄報
- 一 各處文電間有錯誤本報無從查檢不能臆改不得已惟照原文登載特此聲明
- 一 本報各期如有印錯字樣當於次期刊印正誤表於末頁特此聲明